

Psalm svizzer

Vehementamein encunter in niev text



Dr. Giusep Capaul

(anr/gc) Gest per il di dalla Fiasta naziunala dad uonn ha la Societad communizeivla svizra (Schweizerische Gemeinnützige Gesellschaft) annunziav ch'ella vegni a lantschar in concorrenza da vegnir tier in niev text per il Psalm svizzer ed introducir quel gia 2015. Quel duei sebasar sin la preambula dalla Constituziun federala da 1999. Il text vertent taxescha quella associaziun per memia serraus e dil cuntegn enneu sco antiquaus.

Ei dat opposiziun massiva

La reacziun opposta ha buca schau spetgar ditg. Ella deriva dal l'Uniun da fautors Widmer Zwysig, che s'engascha per mantener il Psalm svizzer en text e melodia sco quei ch'è il Cussegl federal ha decidiu ufficialmein 1981 e che cattien adina dapli acceptanza ella publicitad.

Quella concorrenza per in niev text seigi ina ulteriura stinada emprova da vuler sfurzar atras per tut prezi ina midada dil text che deriva dil poet e liberal turitges Leonhard Widmer. La proposta vegni ó ed era quei seigi tipic ó dalla Svizra tudestga, ferton che la Romontschia, la Svizra taliana e franzosa seigien cuntentas cun las versiuns en lur lungatgs. Ins plaيدا en quei connex schizun dad ina arroganza da certs cercchels en Svizra tudestga che veglien šactualisarō prest mintga onn il text, quei che finessi la finala en in caos. Che la Societad communizeivla svizra hagi lantschau quella concorrenza per in auter il text gest igl emprem d'ost seigi in scandal e stetti en cuntradiziun cun sia finamira da promover la coherenza naziunala.

Il naufragi ei programmaus

Ei vegni era quella gada buc a reussir ad ateists, inimitgs ed odiaders dil Psalm svizzer ó tenor l'Uniun da fautors dil Psalm svizzer ó dad eliminar il text da Leonhard Widmer e remplazzar quel. Tuttas emprovas duront tschun decennis hagian fatg naufragi. Quei confirmien era reputai historicists. L'Uniun da fautors Widmer Zwysig pil Psalm svizzer vegn a presentar ed argumentar claramein sia posiziun encunter scadina midada dil text dil Psalm svizzer. Quei himni naziunal ei fetg bials, cuntegni negins tuns guerrils u da victoria e triumf, mobein seigi meditaziun ed oraziun cun patratgs agl essenzial ó ed aschia sco fatgs per carstgauns cartents da tuttas confessiuns e religiuns.